

4. maí 2007



Glitnisforstjóri kaupir sögufrægt hús

Hinn þrítugi **Lárus Welding**, nýráðinn forstjóri Glitnis, hefur hreiðrað um sig í Hlíðunum ásamt fjölskyldu sinni. Lárus borgaði 120 milljónir fyrir hið sögufræga hús Árskóga í Blönduhlíð sem listamaðurinn 12. september teiknaði árið 1946. **BLS. 2**



Lucia Celeste Molina Sierra er umdeildasti Íslendingurinn þessa stundina

„GLÖÐ YFIR ÞVÍ AÐ VERA ÍSLENDINGUR“



Greiðslukjör í allt að 36 mánuði

Ívaka/ventil Engin útborgun

Gleraugað

Bláa húsin við Faxafen
Suðurlandsbraut 50
108 Reykjavík

Sími 568 1800

glerauga@mmnet.is
www.glerauga.is

**Sjónmælingar
linsumælingar**

fréttir

■ Heyrst hefur



Hætt við að selja í Eikarásnum

Líkt og Sirkus greindi frá á dögunum settu Habitat-hjónin **Ingibjörg Þorvaldsdóttir** og **Jón Arnar Guðbrandsson** glæsivillu sína í Eikarásnum í Garðabæ á sölu þar sem sá möguleiki var fyrir hendi að þau myndu flytjast til Danmerkur til að fylgja eftir rekstri þeirra tískuverslana sem þau reka þar undir merkjum Oasis. Nú hafa þau tekið húsið af sölu og ætla að búa áfram á Íslandi. Þau verða þó áfram með annan fótinn í Danmörku enda tímafrent að fylgjast með fjórum verslunum Oasis sem þar eru starfræktar.



250 millur fyrir Kjarvalshús

Miklar vangaveitur er nú í gangi um það á hvaða verði **Kjarvalshúsið** við Sæbraut á Seltjarnarnesi muni seljast en það kom í sölu um síðustu helgi. Húsið er sérlega glæsilegt, um 440 fermetrar að stærð og með stórkostlegu sjávarútsýni. Ekki skemmir síðan sagan fyrir því húsið var upphaflega byggt fyrir Jóhannes Kjarval. Ekki er langt síðan að minna hús með lakara sjávarútsýni seldist á 165 milljónir í næsta nágrenni og leiða fasteignasalar líkur að því að Kjarvalshúsið geti jafnvel farið á 250 milljónir.

Dýnamískur dúett á Króknum

Sælurvikunni í Skagafirði verður lokað með dægurlagahátíð í kvöld, föstudagskvöld. Góðir gestir munu stíga á stökk og má þar nefna

Aðalheiði Ólafsdóttir, betur þekkt sem Heiða í Idolinu, Regína Ósk og Friðrik Ómar að ógleymdum Björgvini Halldórssyni.



Heyrst hefur að Heiða muni stíga á stökk og taka dúett með skagfirsku sveiflukóngnum **Geirmundi Valtýssyni** og er beðið eftir því með óþreyju á Króknum.



Bæjarstjóri fjarverandi á afmæli Gróttu

Íþróttafélagið Gróttu á Seltjarnarnesi hélt upp á fjórutíu ára afmæli sitt með hófi á föstudaginn fyrir rúmri viku. Öllum helstu fyrirmönnum í bæjarfélaginu var boðið í veislu en eftir því var tekið að eins þeirra var saknað sárlega. Það var **Jónmundur Guðmarsson** bæjarstjóri sem tilkynnti fjarvist af óviðráðanlegum orsökum eins og það var orðað. Jónmundur notaði síðan tækifærið á fundi með félögum sínum í Sjálfstæðisflokknum á Nesinu og útskýrði fjarveru sína. Útskýringin er trúnaðarmál.



GLÆSILEGT HÚS Blönduhlíð 8 er afar fallett hús og eitt það reisulegasta í Reykjavík.



NÝI GLITNISFORSTJÓRINN LÁRUS WELDING SEST AÐ Í BLÖNDUHLÍÐinni

KEYPTI SÖGUFRÆGA GLÆSIVILLU Á 120 MILLJÓNIR

Þrátt fyrir að Lárus Welding, hinn þrítugi nýskipaði forstjóri Glitnis, hafi starfað og búið í London undanfarin ár virðist hann hafa séð fyrir sér breytingar á sínum högum. Lárus gerði sér nefnilega lítið fyrir og keypti eitt sögufræga hús Hlíðahverfisins á 120 milljónir seint á síðasta ári. Húsið, sem stendur við Blönduhlíð, nefnist Árskógar og var teiknað og hannað af Freymóði Jóhannessyni, skáldi og listamanni, einatt nefndum 12. september, á því

herrans ári 1946. Þegar húsið var auglýst fyrir rúmu ári var sagt í auglýsingunni að það byggi yfir ákveðinni reisu og tignarleika og hefði verið gert upp á stórglæsilegan hátt.

Lárus og fjölskylda hans keyptu húsið af athafnakonunni Írisi Björk Jónsdóttur, sem rekur meðal annars tískuvöruslunina GK. Íris Björk gerði húsið upp af miklum myndugleik og var hvergi til sparað eins og sést á myndunum sem fylgja greininni. Árskógar er á þremur hæðum

og samtals um 280 fermetrar auk 39 fermetra bílskúrs. Lárus og eiginkona hans, Ágústa Margrét Ólafsdóttir, eiga tvær dætur og ljóst að vel mun fara um banka-stjórnann, konu hans og börn í húsinu.

Þegar Sirkus ræddi við Ágústu Margréti vildi hún ekkert láta hafa eftir sér um ástæður þess að fjölskyldan hefði komið sér fyrir í Hlíðunum af öllum stöðum.



FORSTJÓRINN Í HLÍÐUNUM Lárus Welding, nýskipaður forstjóri Glitnis, keypti Árskóga fyrir 120 milljónir síðasta haust.



FALLETT INNAN SEM UTAN Eins og sjá má á þessum myndum var ekkert til sparað í endurbótum innanhúss í Blönduhlíð 8.

Miklu flottari Tekinn á Stöð 2 næsta vetur

Sjónvarpsþátturinn Tekinn með Auðunni Blöndal, sem sló í gegn á sjónvarpsstöðinni Sirkus í vetur og náði meðal annars rétt rúmlega 17% áhorfi í könnun Capacent, verður aftur á dagskrá í haust. Áreiðanlegar heimildir Sirkus herma að þátturinn verði á Stöð 2 og mun meira verði lagt í hann nú heldur en í fyrra þegar þátturinn var gerður með lágmarks-tilkostnaði.

Tekinn er í anda þáttarins Punk'd með Ashton Kutcher, þar sem frægt fólk verður fyrir barðinu á hrekkjum þáttastjórnandans, og herma heimildir Sirkus að samið hafi verið við MTV, framleiðslustöð Punk'd, og Kutcher sjálfan í Frakklandi í síðasta mánuði um afnot af umgjörð þáttarins. Áhorfendur mega eiga von á mun meira fjöri, sprengingum og látum, í nýju þáttaröðinni sem telur tólf þætti og hefur sýningar í haust.

Pálmi Guðmundsson, sjónvarpsstjóri Stöðvar 2, vildi ekki tjá sig um nýja þáttinn þegar Sirkus ræddi við hann en ekki náðist í þáttastjórnandinn Auðunn Blöndal áður en blaðið fór í prentun.



EFTIRMINNILEGUR BUBBI Auðunn Blöndal striddi Bubba Morthens á eftirminnilegan hátt í einum þátta Tekinn síðasta vetur. Bubbi brást vel við og þakkaði fyrir sig með þéttu taki um háls Auðuns.



HREKKJALÓMUR Auðunn Blöndal mun halda uppteknum hætti og hrekkja fræga Íslendinga sjónvarpsáhorfendum til skemmtunar.

Sjálfskiptur með öllu! 2.390.000 kr.



Nú bjóðum við á frábæru verði takmarkað magn af Golf Trendline með sjálfskiptingu og ríkulegum sportpakka.

Verðið á Volkswagen Golf hefur aldrei verið hagstæðara. Taktu gæðin og glæsileikann með í reikninginn og þú sérð að þetta er tækifæri sem borgar sig að grípa.

Sportpakki innifalinn í verði:

- 16" álfelgur • sóllúga • leðurstýri • þokuljós
- armpúði milli framsæta • samlitur • vindskeið



fréttir

■ Heyrst hefur



Minnir á Tom Cruise

„Ég fæ oft að heyra að ég minni á Tom Cruise“ segir Danilo Oriba, tvöfaldur heimsmeistari í flairbarmennsku, sem staddur er hér á landi í tilefni af Íslandsmóti barþjóna sem fram fer á Hótel Nordica á sunnudaginn. Danilo er frá Úruguvæ en býr í Las Vegas. Flair snýst um að kasta flöskum og glösum á loft um leið og blandaðir eru drykkir. Lönin sló rækilega í gegn í kjölfar kvikmyndarinnar Cocktail



sem skartaði Hollywood-stjörnunni Tom Cruise. „Ég sá myndina á sínum tíma og fékk þennan áhuga í kjölfarið,“ segir

Danilo brosandir og bætir aðspurður við að uppáhaldsdrykkurinn hans sé Grand Marnier og tónik. Þetta er í annað skiptið sem Danilo heimsækir Ísland en hann kom einnig á Íslandsmótið í fyrra. „Ég skemmti mér mjög vel og vona að ég hafi tíma til að kíkja á næturlífið,“ segir hann og bætir við að hann muni ekki eftir haugafullum Íslendingum á lífinu.

HASSELHOFF
ER FURÐUFUGL

Ég var mjög heppin að komast að í bransanum,“ segir Ósk Pétursdóttir, sem starfar við sjónvarpsþáttagerð í London. Ósk hefur búið mestalla ævi í Bretlandi en hún flutti til Íslands til að ganga í Menntaskólann á Akureyri. Eftir stúdentinn hélt hún út aftur og settist á skólabekk í fatahönnun. „Ég vissi ekkert hvað mig langaði að verða og prófaði fatahönnunina. Ég var hins vegar ekkert voðalega góð í því og ákvað að prófa eitthvað annað. Ég hélt mig við sama skólann og endaði í námi í sjónvarpsþáttagerð,“ segir Ósk en lokaverkefnið hennar var tíu mínútna heimildamynd um söngkonuna Þórunni Antoníu sem er vinkona hennar. „Ég var að vinna hjá frekar stóru fyrirtæki með skólanum og á sama tíma og ég útskrifaðist ráku þeir stelpu og buðu mér vinnuna og þar hef ég unnið við alls kyns verkefni,“ segir Ósk en hún hefur meðal annars séð um rannsóknarvinnu fyrir spjallþætti, tekið viðtöl, búið til spurningar og tekið á móti stjórnun. Á meðal stjarna sem hún hefur hitt eru David Hasselhoff, Adam Sandler og Mary Kate og Asley Olsen. Ósk kippir sig ekki lengur upp við að hitta heimsfrægar stjórnur en segir þær misskemmti-

OLSEN-SYSTUR Enginn mátti koma nálægt heimsfrægu tvíburasystrunum og Ósk segir starfsfólk þeirra mjög erfitt viðureignar.



ÓSK PÉTURSDÓTTIR, „Ég er mjög heppin, ég elska vinnuna mína og gæti ekki hugsað mér að vinna við eitthvað annað.“



FURÐUFUGL Baywatch-stjarnan er afar sérvitur að sögn Óskar en Hasselhoff söng hástöfum þegar hún hitti hann.

legar. „Adam Sandler var frábær en Olsen systurnar ekki. Við fengum ekki að koma nálægt þeim og fólkið í kringum þær var mjög erfitt. Hasselhoff er mjög sérvitur og um leið og hann kom til okkar byrjaði hann að syngja I'm singing in the rain, sem var mjög fyndið,“ segir hún og bætir við að hún hafi líka unnið við tónlistarþættina Popworld sem sýndir hafi verið á Popptívi um tíma og hafi því einnig hitt margar frægar hljómsveitir og tónlistarfólk.

Ósk ólst upp í Hull þar sem faðir hennar starfrækir sjávarútvegsfyrirtæki. Hann rak um tíma tískumerkið X18 og er mikill athafnamaður. Foreldrar hennar eru nú fluttir heim aftur til Íslands en Ósk býst ekki við að vera á leiðinni heim í brád. „Ég bý með enskum kærasta mínum sem er líka í þessum bransa en hann er framleiðandi og leikstjóri. Ég er með heimþrá en hvar við endum kemur í

ljós. Draumurinn er að framleiða mína eigin þætti og ég held að það sé ekkert langt í að sá draumur ræstist en það kemur í ljós. Í þessum bransa er ekki alltaf næg vinna fyrir alla og því þarf maður stundum að taka að sér óspennandi verkefni. Ég vil komast í þá stöðu að geta valið mér það sem mér finnst áhugavert,“ segir hún og bætir við að það sé margt sem heilli. „Ég var 16 ára þegar ég ákvað að flytja ein til Íslands og mamma og pabbi hafa alltaf staðið með mér í öllu sem ég hef tekið mér fyrir hendur. Pabbi og mamma eru ótrúlegir dugnaðargarpar og ég horfi upp til þeirra. Það er sama hvað ég tek mér fyrir hendur, þau eru alltaf jákvæð,“ segir hún og bætir aðspurð við að hún hafi fundið ástríðu sína í sjónvarpinu. „Ég er mjög heppin, ég elska vinnuna mína og gæti ekki hugsað mér að vinna við eitthvað annað.“

indiana@frettabladid.is

AYGO engin útborgun

Kostar ekkert, þannig séð

26.855 kr.* á mánuði:

Innifalið: Afborgun af láni - Tryggingar - Bifreiðagjald 1. tímabils - Engin útborgun.

Það hefur aldrei verið þægilegra að eignast Aygo. Núna þarftu ekki að hafa áhyggjur af neinu nema að keyra bílinn – við sjáum um restina.

Aygo. Engar áhyggjur.

Ofkeyrðu þig.

www.aygo.is

Toyota Kópavogi
Nybylavegi 4
Kópavogur
Sími: 570-5070

Toyota Akureyri
Baldursnesi 1
Akureyri
Sími: 460-4300

Toyota Reykjaneshæ
Njarðarbraut 19
Reykjaneshæ
Sími: 420-6600

Toyota Selfossi
Fossnesi 14
Selfoss
Sími: 480-8000

Toyota Austurlandi
Miðási 2
Egilsstaðir
Sími: 470-5070

*Sértilboð Elisabetar og AYGO. M.v. 84 mánuði. Innifalið er afborgun af láni, tryggingar (ábyrgðar- og kaskótrygging) og bifreiðagjöld á fyrsta tímabili.



FLOTTUR FLOTI Eins og sjá má þessari mynd þá er bílafloftinn fyrir utan heimili Hannesar ekkert slor.

HANNES SMÁRASON MEÐ 1900 HESTÖFL Í INNKEYRSLUNNI

Athafnamaðurinn Hannes Smáráson er fagurkeri og sést það hvar sem borið er niður. Hannesi, sem er forstjóri og stærsti hluthafi í FL Group, hefur gengið allt í haginn á undanförunum misserum og því getur hann látið eftir sér hluti sem flesta dreymir um en færstir framkvæma. Hlutur hans í FL Group er metinn á rúma 45 milljarða. Hannes á til að mynda bæði Fjölnisveg 9 og 11 og skiptist á að búa í þessum reisulegum húsum, sem eru með fegurstu íbúðarhúsum borgarinnar. Hannes hefur líka dálæti á hraðskreiðum og fallegum bílum og sjást þess glögglega merki í innkeyrslunni heima hjá honum. Þar gefur að líta fjóra flotta bíla sem allir eiga það sameiginlegt að vera bæði dýrir og afar kraftmiklir.

Fyrst ber að nefna svartan Range Rover Supercharger sem kostar nýr um 15 milljónir. Hannes er einnig með Porsche Ceyenne Turbo jeppa


sem er 520 hestöfl og Porsche 911 Turbo sportbíl. Sambýliskona Hannesar, Unnur Sigurðardóttir, er síðan með gráan BMW M6 til að bregða sér bæjarleið en slíkur bíll kostar nýr á bilinu 16 til 18 milljónir.

Þess fyrir utan á Hannes sjö ára gamlan Toyota Landcruiser 100 sem stóð fyrir utan Hótel Loftleiðir nú í vikunni og beið eftir því að eigandi sinn kæmi úr túr með Lárusi Welding, nýjum forstjóra Glitnis, og fleiri starfsmönnum bankans.

FAGURKERI
Hannes Smáráson
er mikið fyrir fallega hluti og gildir þá einu hvort um er að ræða hús eða bíla.




Hannaðu þinn eigin sófa




Láttu drauminn rætast og hannaðu sófann sem þig hefur lengi dreymt um. Möguleikarnir eru nánast óendanlegir.



Þú velur form / stærð / áklæði / leður



Þú velur arma



Þú velur auka púða



Þú velur fætur



Verðdæmi
2,5 sæti, 2 Cajun armar, 4 Tapered fætur frá kr. 81.620
Skemill, 4 Tapered fætur frá kr. 25.820



LÍNAN

H Ú S G Ö G N

SUÐURLANDSBRAUT 22
SÍMI 553 7100 • www.linan.is



BENNI HINN „Ég keypti þessi ljósu jakkaföt í Herragarðinum og mætti einu sinni í þeim í útsendingu. Gaupi íþróttafréttamaður hefur ekki kallað mig annað en Benna Hinn síðan.“



ALÞJÓÐLEGT DRESS „Ég keypti jakkann og trefilinn í Kaupmannahöfn fyrir stuttu en þessar flikur eru það nýjasta í fataskápnum. Gallabuxurnar keypti ég í Stokkhólmi svo þetta er alþjóðlegt dress.“

SÖLVI TRYGGVASON Í ÍSLANDI Í DAG ER ALLTAF FLOTTUR Í TAUINU ÞEGAR HANN BIRTIST Á SKJÁNUM. SIRKUS FÉKK AÐ SKOÐA UPPÁHALDSFÖTIN HANS SÖLVA.

FÍLA MIG Í JAKKAFÖTUM



ELSTA FLÍKIN „Ég keypti þennan grúa jakkafatajakka á útmarkaði í París fyrir átta árum. Þetta er langelsta flikin sem ég nota ennþá og var því peninganna virði. Ég held ég hafi borgað þúsund krónur fyrir jakkann.“



JAKKRISBINDI „Þessi jakkaföt nota ég bæði í útsendingu og þegar ég vil vera sæmilega finn. Bindistö er nýstárlegt, hálfgerðt jakkrisbindi. Ég keypti það í Kaupmannahöfn.“

Ég hef gaman af fötum enda verð ég að hafa það í þessari vinnu,“ segir Sölvi Tryggvason, einn af stjórnendum Íslands í dag. Sölvi segir áhugann á tísku hafa vaknað á menntaskólaárunum. „Ég var enginn fatamaður lengi af en svo datt ég inn í vinahóp í menntaskólanum þar sem myndadist sérstök stemming. Sérstaklega þegar við vorum að fara eitthvað að skemmta okkur. Þá vorum við jafnvel í útvíðum fötum og öðru sem ég myndi aldrei klæðast í dag,“ segir Sölvi brosandí og bætir við að hann sé ekki að elta tískustrauða í blindni. „Ég kaup þu bara það sem mér finnst flott og fer mér vel, sama hvort það sé í tísku eða ekki.“ Sölvi kaupir aðallega fót fyrir vinnuna í útlöndum en hversdagsfötin hér heima. „Mér finnst skemmtilegra að versla í útlöndum og þá kaup þu ég mikið í einu en svo kannski

ekkert í marga mánuði á eftir. Skemmtilegast finnst mér að versla í New York og París og ég hef líka gaman af því að komast á útmarkaði.“ Vegna starfsins þarf Sölvi að klæðast jakkafötum, sem hann segir lítið mál. „Ég fíla mig í jakkafötum svo það þarf ekkert að troða mér í þau. Svo hef ég líka gaman af bindum, ólíkt öðrum í Íslandi í dag eða Kastljósi. Ég held ég sé eini maðurinn í þessum þáttum sem notar bindi,“ segir hann hlæjandi og bætir við að hann sé á leiðinni til New York í næsta mánuði. „Síðasta árið hef ég aðallega verið að kaupa mér jakkaföt og bleiserjakka en konan mín vill að ég verði töfvaralegr í klæðnaði og hún er eini stílistinn sem ég hlusta á. Ég ætla því að kaupa mér fleiri hversdagsföt þegar við förum til New York.“

indiana@frettabladid.is

VIÐ EIGUM OKKUR DRAUM.

**DRAUM ÞAR SEM ALLIR
BORÐA TÓPAS Í SÁTT OG
SAMLYNDI ÓHÁÐ ÞVÍ
HVORT TÓPASINN SÉ
FJÓLUBLÁR EÐA GRÆNN!**

TÓPAS TIL FÓLKSINS



Tópas FRELISRÁÐIÐ



GÁTU EKKI VERIÐ AÐSKILIN
Lucia flutti frá Gvatemala til Íslands til að vera nær ástinni í lífi sínu. Hún kynntist Birni Orra í Gvatemala fyrir rúmum fjórum árum. SIRKUSMYND/VALLI



LUCIA UM JÓNÍNU BJARTMARZ

„Hún er góð tengdamóðir. Hún er mjög upptekin kona en samt góð móðir. Hún hefur reynst mér frábærlega og sýnt mér mikinn stuðning. Hún hefur verið mér sem móðir og móðurmynd og ég hef algjörlega verið tekin inn í fjölskylduna, segir Lucia Celeste Molina Sierra um móður unnusta síns, Jónínu Bjartmarz umhverfisráðherra.

LUCIA CELESTE MOLINA SIERRA ER UNNUSTA SONAR JÓNÍNU BJARTMARZ UMHVERFISRÁÐHERRA:

HAMBORGARHRYGGUR OG BRÚNAÐAR KARTÖFLUR Í UPPÁHALDI

Þegar ég sótti um ríkisborgararéttinn gerði ég mér ekki miklar vonir en óskaði eftir því að Alþingi legði mat á aðstæður mínar. Ég var mjög heppin og ég veit að ég get orðið góður íslenskur ríkisborgarari því ég er menntuð og dugleg. Ég er mjög glöð yfir því að hafa fengið ríkisborgararéttinn, glöð yfir því að vera orðin Íslendingur,“ segir Lucia Celeste Molina Sierra, unnusta sonar Jónínu Bjartmarz umhverfisráðherra sem fékk íslenskan ríkisborgararétt 16. mars síðastliðinn frá Allsherjarnefnd.

Veit sannleikann

Mikið hefur verið rætt og ritað um þessa veitingu í fjölmiðlum og sýnast sitt hverjum. Því er haldið fram að Jónína hafi sjálf í krafti valds síns þrýst á að tengdadóttir hennar nyti sérstakra forrétinda en nefndarmenn hafa harðneitað því og það sama gerir Lucia.

„Það er ekki rétt og ég veit sannleikann. Ég hafði tækifæri til að sækja um ríkisborgararétt og gerði það. Ég fékk hann og er afskaplega glöð og þakklát því hann hjálpar mér mikið í framhaldinu,“ segir Lucia og þvertur fyrir að það hafi hjálpað henni að vera unnusta sonar umhverfisráðherra. Jónína hafi þvert á móti gætt þess að engin merki um tengsl kæmu fram.

„Það var ekkert sem tengdi hana við málið. Bjartmarz-nafnið kom hvergi fyrir. Eina stofnunin sem vissi af tengslunum var Útlendingastofnun enda var hún umboðsmaður minn í samskiptum við þegar ég fékk atvinnuleyfi þegar ég kom hingað til Íslands fyrst.“

Urðu bara ástfangin

Það er langur vegur frá Gvatemala til Reykjavíkur og því nærtækast að spyrja Luciu hvernig hún endaði hér?

„Ég kynntist Birni snemma árs 2003 þegar hann dvaldi sem skiptinemi hjá fjölskyldu vinkona minnar í Gvatemalaborg í eitt ár. Ég held að það hafi ekki verið ást við fyrstu sýn. Ég var hins vegar afar forvitin um allt sem varðaði Evrópu. Ég var fimmtán ár í frönskum einkaskóla og þótti merkilegt að hann væri frá Íslandi. Ég vildi vita allt um hann og landið hans og síðan urðum við bara ástfangin,“ segir Lucia og lygnir aftur augunum.

Þau héldu sambandinu eftir að Birni fór heim til Íslands, bæði í

gegn Skype-símakerfið á netinu sem Lucia segir hafi verið bjargvættur. „Við vorum líka dugleg að koma í heimsókn hvort til annars. Það er hins vegar afar langt ferðalag frá Gvatemala til Íslands og haustið 2005 hafði ég fengið nóg af tveggja daga ferðalögum. Ég ákvað því að flytja til Íslands og kom til landsins 27. október og fór beint í faðm Birnis,“ segir Lucia.

Erfið ákvörðun

Þegar Lucia yfargaf Gvatemala í október 2005 og flutti til landsins varð hún að sleppa hendinni af þeim tveimur árum sem hún hafði lokið í lögfræði. Það er ekki margt líkt með

gamla landinu mínu. Það er mikil kynjamisskipting þar. Það er varla hægt að sjá fyrir sér bjarta framtíð þar. Hugsunarhátturinn er gamaldags, konurnar eiga að sjá um heimilið og karlmennirnir eiga að vinna. Það er mikið ofbeldi gagnvart konum. Það er kannski ekki samþykkt sem slíkt en það er sjaldan refsað fyrir það. Við höfum barist fyrir okkar réttindum en það eru enn takmarkarnir í menningunni sem við erum berjast við.“

Þjónn og nemandi í íslensku

Lucia hefur lagt mikla áherslu að læra íslenskuna hratt og vel og í viðtalinu svarar hún alltaf á íslensku.

„ÉG VAR MJÖG HEPPINN OG ÉG VEIT AÐ ÉG GET ORÐIÐ GÓÐUR ÍSLENSKUR RÍKISBORGARARI ÞVÍ ÉG ER MENNTUÐ OG DUGLEG.“

Íslandi og Gvatemala og því liggur beinast við að spyrja hvort það hafi verið erfið ákvörðun að flytja til Íslands?

„Já, það var erfið ákvörðun. Ég vissi að ég myndi sakna fjölskyldunnar minnar mikið auk þess sem ég er elst þriggja systkina, á 18 ára systur og 15 ára bróður, og fann því til ábyrgðar gagnvart þeim. Ég var líka að læra lögfræði. Það var erfið að hætta því námi eftir tvö ár.“

Ég vildi hins vegar ekki vera langt frá Birni og mér leist vel á Ísland. Ég vissi að ég myndi geta átt betri framtíð hér,“ segir Lucia og bætir við að til að mynda sé allt annað viðhorf á Íslandi en í Gvatemala.

„Gvatemala er mjög stéttaskipt. Ég var svo heppin að ég bjó í einu af betri hverfum Gvatemalaborgar en það er hins vegar erfið að vera kona í

„Foreldrar mínir lögðu mikla áherslu á að ég gengi menntavegin og því ber ég mikla virðingu fyrir námi. Þau hugsuðu fram í tímann og fyrir það er ég afar þakklát,“ segir Lucia. Hún fór strax í íslenskunám og hefur náð undraverðum tókum á málinu á þeim fimmtán mánuðum sem hún hefur dvalið hér. „Ég byrjaði á því að vinna á bar en er núna þjónn á Lækjarbrekku,“ segir Lucia, sem stefnir að því að fara til Bretlands í nám nú strax í haust ásamt unnustanum Birni Orra.

„Við vorum að hugsa um að fara til Frakklands en það hefði verið of dýrt fyrir okkur að lifa þar. Því fórum við til Bretlands. Ég ætla að byrja upp á nýtt í lögfræðinni og Birni fer í heimspeki og stjórnmálafræði,“ segir Lucia.

Lucia og Birni Orra eru bæði 21 árs gömul en hjónaband og barn-

eignir eru ekki á döfinni hjá þeim á næstunni. „Þetta er auðvitað eitthvað sem við hugsum um og viljum gera í framtíðinni en eins og staðan er í dag þá viljum við einbeita okkur að náminu og klára það til að skapa okkur góða framtíð. Það er mjög mikilvægt og gagnast börnunum síðar meir. Eftir háskólanámið vil ég koma hingað heim og klára íslenskunámið,“ segir Lucia.

Skrytið veður

Eins og áður sagði er Lucia orðinn Íslendingur og því er ekki úr vegi að spyrja hana hvort henni líði eins og Íslendingi?

„Ég verð að vera hreinskilin. Ég er

auðvitað mjög ánægð með að tilheyra þessu samfélagi af því að þetta er góð þjóð. Ég vil líka vera hluti af lífi Birnis, öllu hans lífi, en þrátt fyrir það ætla ég ekki að gleyma fortíð minni og menningu. Mér finnst ég þurfa að búa hérna lengur til að geta fangað hinn eina sanna íslenska anda,“ segir Lucia og bætir við það sé svo margt við Ísland sem hún elski.

„Það er engin mengun. Ég elska það. Þetta er afar fallegt land og mér finnst frábært að hafa fengið tækifæri til að læra þetta erfiða en yndislega mál sem íslenskan er. Uppáhaldsmaturinn minn er hamborgarhryggur og brúnaðar kartöflur og síðan borða ég mikinn fisk, sérstaklega ýsu,“ segir Lucia en viðurkennir að hún sakni veðursins og fjölskyldunnar frá Gvatemala. „Veðrið er skrytið hérna,“ segir hún og hlær. oskar@frettabladid.is



Gvatemala

Staðsetning: Í Mið-Ameríku með landamæri að Mexíkó, Hondúras, El Salvador og Belís.

Höfuðborg: Gvatemalaborg

Íbúafjöldi: 12,8 milljónir

Tungumál: Spænska

Sjálfstæði: 15. september 1821 frá Spáni

Stærð: 108 þúsund ferkílómetrar

Ráðast Bandaríkjamenn á Íran?

- Það fer eftir því hvaða áhrif þeir halda að innrás hafi á olíuverðið - segir hagfræðingurinn
- Það fer eftir því hvort þeir telja eigið gildismat yfir annað hafið - segir heimspekingurinn
- Það fer eftir því hvort þeir trúa að það auki áhrif þeirra í Miðausturlöndum - segir stjórnmálafræðingurinn
- hvað segir þú?

Félagsvísindadeild Háskólans á Bifröst er fyrst á Íslandi til að bjóða upp á BA nám í heimspeki, hagfræði og stjórnmálafræði. Saman mynda þessar greinar traustan grunn á sviði hug- og félagsvísinda en námið er þekkt alþjóðlega undir skammstöfuninni PPE (Philosophy, Politics and Economics).

Nám í HHS býr einstaklinga undir margvísleg störf á alþjóðlegum og innlendum vinnumarkaði, ekki síst á sviði fjölmiðlunar, stjórnmála, stjórnsýslu og almannatengsla. Það veitir víðari sýn og fleiri greiningartæki en hægt er að öðlast með námi í hverri þessara greina fyrir sig.

Umsóknarfrestur í grunnám er til 10. júní 2007

Frekari upplýsingar:

www.bifrost.is

311 Borgarnes | Sími 433 3000



HÁSKÓLINN Á BIFRÖST
BIFRÖST UNIVERSITY

Hversu hátt stefnir

Þrjú fjárfestingarsöfn – þrjár mismunandi leiðir
Hægt er að fjárfesta í ákveðinni leið eða vera í reglulegri áskrift.

Himinn og haf / SÍA - 9070354




ÖRUGGA SAFNIÐ

16,1% ávöxtun

Stöðug ávöxtun, lágmarkssveiflur, lítil áhætta.

- 75% skuldabréf
- 25% hlutabréf




HEFÐBUNDNA SAFNIÐ

20,8% ávöxtun

Áhersla á góða ávöxtun og áhættudreifingu, meðaláhætta.

- 50% skuldabréf
- 50% hlutabréf



Þú?




ÁVÖXTUNARSAFNIÐ

24,9% ávöxtun

Meiri sveiflur, hærri væntingar.
Áhersla á góða áhættudreifingu með
erlendum og íslenskum verðbréfum.

- 75% hlutabréf
- 25% skuldabréf



Kaup í þessum söfnum, sem sérfræðingar SPRON Verðbréfa hafa sett saman, miðast við að keypt sé fyrir lágmark 20.000 kr.

Miðað er við 5 milljóna kr. lágmark í Virkri sjóðastýringu. Stýringin felst í því að viðskiptavinur gefur sérfræðingum SPRON Verðbréfa heimild til þess að fjárfesta í verðbréfasjóðum eftir fyrirfram ákveðinni samsetningu sem kemur fram í vali á sjóðasafni.



Netbankinn býður viðskiptavinum sínum
verðbréfaþjónustu og ráðgjöf í samstarfi
við SPRON Verðbréf. Þú sækir um rafrænt
á www.nb.is.

Vegmúla 2 – 108 Reykjavík – 550 1310 – verdbref@spron.is
www.spronverdbref.is – www.spron.is eða í næsta útibúi SPRON



Allar ávöxtunartölur eru miðaðar við árið 2006. Ávöxtun í fortíð er ekki vísbending um ávöxtun í framtíð. Gengi verðbréfa getur hækkað jafnt sem lækkað.

BÖRNIN ERU Í FYRSTA SÆTI

Kristín S. Hjálmtýsdóttir og **Kristján Kristjánsson** eiga fjögur börn. Kristín var 29 ára þegar hún eignaðist sitt fyrsta barn en þá var hún tilbúin fyrir móðurhlutverkið. Það er í nógu að snúast hjá þeim hjónum en Kristín segir að á meðan allir séu kátir og glaðir sé foreldrahlutverkið skemmtilegt verkefni.

Ég eignaðist fyrsta barnið mitt 29 ára og var þá algjörlega tilbúin fyrir móðurhlutverkið," segir Kristín S. Hjálmtýsdóttir en hún og eiginnmaður hennar, Kristján Kristjánsson, eiga saman fjögur börn.

Stefnan sett út

„Stefnan var aldrei að eignast börn ung. Þvert á móti. Ég var ákveðin í að fara ekki í Háskóla Íslands heldur læra í útlöndum og fór til Þýskalands í háskóla þar sem ég var í námi og starfi í sjö ár auk þess sem ég ferðaðist mikið. Eftir að við Kristján kynntumst flutti hann út til mín og fór í skóla og fyrsta barnið var „Made in Germany“ svo þetta er gæðabarn," segir Kristín hlæjandi en bætir við að þýsku vinum hennar hafi fundist barneignir strax eftir útskrift algjört glapræði. „Þeim fannst ég kasta öllu á glæ enda hvarlaði ekki að þeim að eyða öllum þessum árum í háskóla til þess eins að leggjast svo í barneignir," segir Kristín sem nældi sér í mastersgráðu í hagfræði í Þýskalandi. „Þar er ekki mikið gert til að auðvelda fólki barnaupplæddi, konur sem eignast börn eru nánast sjálfkrafa úr leik á vinnumarkaði, leikskólaláss eru fágætur lúxus og þess vegna kannski eðlilegt að skólasystur mínar hefðu ekki sérstakan áhuga á barneignum.“

Fimmta barnið færir með okkur

Elsta barnið þeirra Kristínar og Kristjáns heitir Þórunn og er 15 ára, Högni kemur næstur en hann er 13 ára, Brynja 7 ára og Kári er yngstur og er 3 ára. „Við tókum þýska skipulagið á þetta, tvær stelpur og tveir strákar. Við eigum bæði litlar fjölskyldur og langaði að eignast allavega þrjú börn. Þegar við vorum komin með tvö vorum við alveg á því að eignast eitt í viðbót og Kári var líka hjartanlega velkominn. Við höfum kraft og andlega heilsu til að eiga þessi fjögur en ég held að fimmta barnið myndi fara með okkur. Elsta dóttir okkar hefur líka margítrekað að þetta sé orðið gott," segir hún brosir og bætir við að börnin haldi þeim ungum í anda. „Við erum á endalausum leikskóla-hátíðum, skíðamótum, tónlistarskólatónleikum og fótboldmótum sem er bara af hinu góða. Að minnsta kosti upp að vissu marki.“



Rík Kristín ásamt börnunum fjórum, Þórunni, Högna, Brynju og Kára.

Saman í foreldrahlutverkinu

Kristján starfaði lengi sem fjölmiðlamaður og flestir muna líklega eftir honum úr Kastljósi. Í dag stýrir hann upplýsingasviði FL Group. Kristín starfar hjá Viðskiptaráði Íslands og er framkvæmdastjóri alþjóðasviðs ráðsins. Hún segir sameiningu móðurhlutverksins og starfsframans ganga vel. „Þetta gengur alveg þokkalega en númer eitt er að vera í þessu saman. Í öðru lagi á ég frábæra mömmu og tengdaforeldra. Mamma leysir daglegu reddingarnar en hún er mjög hress heldri borgari og hennar hjálp er ómetanleg. Tengdaforeldrarnir koma auk hennar svo inn í þegar um stærri verkefni er að ræða, s.s. þegar við þurfum að fara erlendis vegna vinnunnar. Þá koma þau að norðan og flytja inn á meðan," segir hún og bætir við að þau hafi tvisvar verið með au pair-stelpur á heimilinu. „Brynja dóttir okkar varð orlagavaldur í lífi tveggja pólskra fjölskyldna. Tvær stelpur sem komu hingað til að passa hana hafa sest að, eignast íslenska menn og síðan börn," segir hún og bætir við að eftir að fjórða

barnið fæddist hafi þau varla pláss fyrir au pair. Þeim hafi samt líkað vel að þetta fyrirkomulag og hafi verið einstakleg heppin með þessar tvær pólsku stelpur og séu að velta fyrir sér að taka enn eina inn á heimilið.

Stöðugur slagur við tímann

Þrátt fyrir miklar annir heima og í vinnu segir Kristín að þau hjónin reyni að gefa sér tíma til að gera eitthvað tvö saman þótt þau mættu gera meira af því. „Við fórum til Íran í tvær vikur um páskana og höfðum aldrei áður yfirgefið börnin í svona langan tíma. Eins og allir foreldrar vita þá er forgangsröðunin yfirleitt sú að fyrst koma börnin, svo börnin og skólinn, svo börnin og áhugamál- og jafnframarlega er vinnan. Sjálfur er maður í fimmta sæti, sem í þessu tilfelli er ekki

eftirsóknarvert. Þetta er stöðugur slagur við tímann og eitthvað verður undan að láta en það er kannski ekki endilega með sérstökum trega sem maður setur sig aftast í röðina, enda eru stundirnar með börnunum með þeim allra bestu sem hvert foreldri á. Við tókum þátt í því

sem krakkarnir eru að gera ótilneydd. Þau eru í íþróttum og tónlist og við erum alltaf að skutla þeim eitthvað, sérstaklega upp í Bláfjöll á veturna. Við eigum því sjaldast rómantíska stund við kvöldverðinn öll saman á veturna þar sem kvöldverðurinn er oftast Abt-mjólk í bílnum og farið er yfir daginn á ferðinni en við erum með rúmgóðan bíl svo það fer vel um alla," segir hún og brosir. „Þetta er auðvitað oft flókið, en á móti kemur að Reykjavík er ágæt borg fyrir barnafólk að mörgu leyti. Ég orða það nú oft þannig að við séum heppin að búa ekki á Manhattan og standa í skutlinu þar!“



KRISTJÁN KRISTJÁNSSON
„Við fórum til Íran í tvær vikur um páskana og höfðum aldrei áður yfirgefið börnin í svona langan tíma," segir Kristín en þau Kristján reyna að finna sér tíma til að gera eitthvað tvö saman.



Háskólanemar í SKO eru ánægðir með lífið.

„Fáranlega ódýrt!“

Ungur háskólanemi segist hálf undrandi á símreikningum sínum eftir að hann skipti yfir í SKO.

„Ég var að borga alltof mikið fyrir símnótun og var eiginlega kominn í hálfgerðan vítahring. Eftir að ég skráði mig í SKO hefur allt breyst. Núna á ég alltaf smá pening afgang um mánaðarmótin og ef ég tel allt árið þá er ég að spara heilan helling. Svó losnar maður líka við að fá þessa reikninga heim. Stór plús.“

Slóvenar krýndir sigurvegarar Eurovision 2007

Mikil fagnaðarlæti brutust út í Austur-Evrópu þegar tilkynnt var að samningar hefði náðst um úrslit í Eurovision næstu árin. Samningaviðræður milli austantjaldsþjóðanna hafa staðið í nokkur ár og var aðalþrætuefnið hvaða land ætti að vinna fyrst. Loksins var ákveðið að draga og kom nafn Slóveníu fyrst upp úr hattinum. Því næst var varpað hlutkesti til að skera úr um hvort ætti að fara rang- eða réttsælis hringinn um Austur-Evrópu og varð réttsælis ofan á. Þau tíðindi glöddu Króata sem munu fagna sigri í Eurovision 2008 en Ungverjar sitja eftir með sárt ennið. Þeir munu ekki vinna fyrr en árið 2298, síðastir Austur-Evrópuþjóða.





Oft á síðustu dropunum

Kristín viðurkennir semsagt að uppeldi fjögurra barna geti oft verið erfitt. „Það koma vissulega álagstímar og stundum horfum við Kristján á hvort annað og spyrjum okkur hvort við verðum ekki að endurskoða málin. Það getur orðið mikið að gera í vinnunni hjá okkur báðum en sem betur fer er mikil hvatning á báðum vinnustöðum til að hlúa að fjölskyldunni og makanum þannig að maður gefur extra af sér í vinnunni og er svo kátur heima hjá sér. Við höfum líka verið heppin. Börnin okkar eru heilbrigð og geðgóð og vandamálin hafa aldrei verið þannig að ekki sé hægt að leysa þau sem gerir hlutina auðveldari. Auðvitað er maður oft á síðustu dropunum og stundum finnst manni sem opinber yfirvöld, fyrirtæki og aðrir mættu huga betur að börnunum, bæði beint og líka óbeint með því að viðurkenna mikilvægi þess að fólk hafi þökkalegar aðstæður til að ala upp börnin sín. Þetta er heilmikil vinna og ábyrgð – mesta ábyrgð sem maður tekur á sig í lífinu - en á meðan allir eru kátir og glaðir er þetta skemmtilegt verkefni.“

indiana@frettabladid.is



HÁSKÓLINN Á AKUREYRI

SKÓLAÁRIÐ 2007 - 2008

Námskrár, kynningarefni og umsóknareyðublöð eru á www.unak.is

FÉLAGSVÍSINDA- OG LAGAÐEILD

- Fjölmíðlafræði
- Sálfræði
- Samfélags- og hagpróunarfræði
- Nútímafræði
- Lögfræði
- Þjóðfélagsfræði

VIÐSKIPTA- OG RAUNVÍSINDAÐEILD

- Viðskiptafræði
- Líftækni
- Sjávarútvegs- og fiskeldisfræði
- Tölvunarfræði
- Umhverfis- og orkufræði

HEILBRIGÐISDEILD

- Hjúkrunarfræði
- Lögfræði

KENNAÐEILD

- Grunnskólakennarafræði
- Leikskólakennarafræði

Í öllum deildum er lögð áhersla á að nemendur tileinki sér fræðileg vinnubrögð, færni við heimildaöflun, sjálfstæði í vinnubrögðum og skapandi og gagnrýna hugsun. Nemendur vinna bæði einstaklings- og hópverkefni og kynna niðurstöður fyrir samnemendum, kennurum og öðrum áheyrendum.

Skólabærinn Akureyri

- Ókeypís í stræti
- Engir stöðumælar
- Listasafnið og leikhúsið
- Hlíðarfjall og Akureyrarlausg

- Skautahöllin og Kjarnaskógur
- Flottar líkamsræktarstöðvar
- Veitingastaðir, kaffihús og skemmtistaðir

UMSÓKNARFRESTUR
ER TIL 5. JÚNÍ 2007

Tala meira. Borga minna.

0,00 kr./mín.

Hringt í SKO GSM-síma

14,90 kr./mín.

Hringt í aðra GSM- og heimasíma

SMS 4,90 kr.

í alla GSM-síma á Íslandi

www.sko.is

SKO býður jafngóða GSM-þjónustu og hin símafyrirtækin, innanlands og erlendis. Eini munurinn er lægra verð! Það kostar EKKERT að færa GSM-símanúmerið til SKO. Þú skráir þig í þjónustuna á www.sko.is.



SKO
ÓDÝRA SÍMAFÉLAGIÐ

ÚRSLITAKVÖLD EUROVISION

Með eða án Eiríks Haukssonar fylgjumst við öll með úrslitakeppninni í Eurovision. Keppnin í ár verður afar litrík. Það er mikið af stórfurðulegum lögum og öðrum þrælskemmtilegum. Það verður gaman að sjá hvort Eurovision-áhorfendur falla fyrir þessu furðulega í ár eða klassisku lagi.



BOSNÍA/ HERSEGOVÍNA

Flytjandi: Maria Sestic.

Lag: Rijeka Bez Imena
Það hefur sýnt sig og sannað að Austur-evrópubúar eiga að syngja á móðurmáli sínu. Það hljómar eitthvað skringilega á ensku. Bosnía hefur gengið mjög vel undanfarin ár. Í ár verður engin undantekning. Maria er gullfalleg og lagið tregafullt. Það er þó ekki eins gott og síðustu tvö frá Bosnía.



SPÁNN

Flytjandi: D'NASH.

Lag: I love you mi vida.

I love you mi vida er án efa eitt versta lagið í allri keppninni. Það er svo slæmt. Það er svo hallærislegt að orð fá því ekki lýst. Strákasveitin D'NASH minnr einna helst á Nsync þegar þeir voru að byrja, en enginn þeirra er eins sætur og Justin Timberlake. Því miður.



ÍRLAND

Flytjandi: Dervish.

Lag: They Can't Stop the Spring.

Vá, þetta lag er svo írskt að maður er bara kominn í írsku sveitina með búalfinn í grænu jakkafötunum sér við hlið í gömlum þjóðdönsum. Þetta á ekki eftir að virka í Eurovision.

FINNLAND

Flytjandi: Hanna Pakarinen.

Lag: Leave Me Alone.

Þessi skvísa vann finnsku Idol-keppnina og nýtur mikilla vinsælda í heimalandi sínu. Lagið er alls ekki sérstakt og textinn enn verri. Leave me alone, I wanna go home. Þetta er MTV-tónlist alla leið.



RÚSSLAND

Flytjandi: Serebro.

Lag: Song # 1

Rússar senda í ár stelpusveitina Serebro. Hvað er svosem hægt að segja um þetta lag annað en að við höfum heyrt þetta þúsund sinnum áður. Því miður. Þær eiga samt án efa eftir að vera mjög sexy á sviðinu. Það gæti hjálpað til.



SVÍPJÓÐ

Flytjandi: The Ark.

Lag: The Worrying Kind.

Svíar eru „in it to win it“ þetta árið. Það er svo sem ekki nýtt fyrir þá. Lagið er þræl skemmtilegt. Þetta er glyskokk út í gegn og Svíar eiga góðan möguleika að vinna keppnina í ár. The Ark mun spila á Hróarskeldu í sumar fyrir þá sem hafa ekki áhuga á Eurovision.



ÞÝSKALAND

Flytjandi: Roger Cicero.

Lag: Frauen Regier'n Die Welt

Það verður gaman að sjá hvernig Roger Cicero vegnar í keppninni því þetta lag er mjög skemmtilegt. Þetta er djassað lag, sungið á þýsku. Ótrúlegt en satt, kemur það vel út.



LITHÁEN

Flytjandi: 4fun.

Lag: Love or Leave

Hvað er hægt að segja um þessa tonlistarmenn. Lagið Love or Leave er ekki skemmtilegt fyrir fimm ára. Söngkonan hljómar eins og Julio Iglesias þegar hann syngur á ensku.



FRAKKLAND

Flytjandi: LES FATALS PICARDS.

Lag: L'amour À La Francaise.

Þetta á að vera nokkurs konar grín lag, en það misheppnaðist svona rosaalega hjá þessum köppum. Svo er lagið alveg drepleiðinlegt.

ÚKRAÍNA

Flytjandi: Verka Seduchka.

Lag: Dancing Lasha Tumbai.

Án efa steiktasta lagið í keppninni. Allt við lagið er súrt. Textinn, búningarnir, takturinn. Þau minna einna helst á Stubbana á síru. Það skrítnasta er að þeim gæti gengið vel.



BRETLAND

Flytjandi: Scooch.

Lag: Flying the Flag (For You)

Úff, hvað Bretar eru glóruslausir þegar það kemur að þessari keppni. Þetta er blanda af Abba og Aqua. Ekki gott.



RÚMENÍA

Flytjandi: Todomondo.

Lag: Liubi, liubi I love You

Eurovision er orðið of „politically correct“. Annar hver flytjandi syngur lag sitt á þremur tungumálum og þessir gaurar eru engin undantekning. Þeir syngja um ástina á nokkrum tungumálum.



ARMENÍA

Flytjandi: Hayko.

Lag: Anytime You Need.

Keppnin endar á dramatísku nótonum. Söngvarinn Hayko er svo fullur af trega að manni verður illt í maganum. Í myndbandinu er hann í hvítum stuttermabol og hvítum gallabuxum. Vonandi mætir hann í þeim á sviðið í Helsinki.

Veðbankarnir hafa litla trú á Eiríki Haukssyni



GÓÐIR MÖGULEIKAR Svíar mæta sterkir til leiks í Eurovision í ár og er búist við góðu gengi þeirra.

Rauðhærða sjarmatrólílið Eiríkur Hauksson á ekki mikinn séns á að vinna Eurovision-keppnina í Helsinki í ár ef marka má veðbankana. Eiríki og laginu Valentine Lost er spáð mjög svipuðu gengi af öllum bönkunum eða frá 1 á móti 40 upp í 1 á móti 60. Einnig er kappanum ekki spáð góðu gengi í forkeppninni og samkvæmt veðbönkunum kemst hann ekki áfram.

Veðbankarnir spá Mariju Serefovic frá Serbíu sigri í keppninni en lagið sjálf fékk ekki góða dóma í Sirkus fyrir tveimur vikum. Einnig er Svíum spáð góðu gengi og á hljómsveitin The Ark góða möguleika á að vinna keppnina.

En Eurovision er eins óútreiknanleg og forseta-kosningarnar í Bandaríkjunum. Silvíu Nótt var spáð mjög góðu gengi í fyrra en varð síðan í þrettánda sæti undankeppinnar. Eitt er alveg á hreinu, að Eiríkur Hauksson á sér marga aðdáendur bæði á Norðurlöndunum og í Evrópu sem eiga eftir að liggja á símalínunni. Áfram Eiríkur!

ER SPÁÐ SIGRI Mariju Serefovic frá Serbíu er spáð sigri í Eurovision ef marka má veðbankana. Hún er einnig í forkeppninni með Eiríki.



EKKI SÉNS Eiríkur Hauksson á ekki séns í Eurovision ef veðbankarnir hafa rétt fyrir sér.

HJÓNIN ÁSGEIR OG BERGBÓRA ÞÓRSDÓTTIR STANDA SAMAN AÐ HAMSKIPTUM.

MYNDI EKKI ÞRÍFAST Í ÖÐRU

Þátttaka í svona keppni er ofsalega gott veganesti inn í framtíðina fyrir þessa krakka," segir Ásgeir Hjartarson, eigandi hárgreiðslustofunnar Supernova, en hann og eiginkona hans, Bergbóra Þórsdóttir, standa fyrir há- og förðunarkeppninni Hamskipti sem haldin verður á Nasa þann 16. maí. Ásgeir segir slíka keppni ekki hafa verið haldna í fjögur ár en keppnin er til þess fallin að örva og hvetja nemendur og hann hvetur meistara til að senda nema sína í keppnina. „Ég vil að nemarnir hugsi út fyrir boxið og passi upp á heildarútlitið. Hárgreiðslunemarnir þurfa líka að huga að fatnaðnum og förðuninni og svo öfugt því þannig verkefnum gætu þau landað í framtíðinni," segir Ásgeir en hann og Bergbóra starfa saman á Supernova, hann sem hárgreiðslumeistari en hún sem hárgreiðslumeistari og listförðunarfræðingur auk þess sem hún rekur Airbrush stúdíóið. Ásgeir tekur undir að þau séu því góð saman. „Við tölum samt alveg um eitthvað annað á kvöldin en tísku, hár og



förðun," segir hann hlæjandi og bætir við að hún fái kannski stundum leið á honum. „Ég er alltaf að brasa eitthvað og græja, mér finnst þetta svo skemmtilegt og ég held ég myndi ekki þrífast í öðrum geira. Sumir kalla þetta athyglissýki en ég er ekki að þessu til að koma mér á framfæri heldur fyrir nemana okkar. Ég er búinn að bíða í nokkur ár eftir að einhver tæki af skarið og héldi svona keppni en það er ekkert að gerast svo ég tók þetta upp á mína arma.“

Skráning fer fram á síðunni supernova.is og hvetur Ásgeir alla nema í förðun og hárgreiðslu til að skrá sig. „Það verður hellingur af geggjuðum vinningum. Fyrstu verðlaunin eru ferð til London á Salon International og ég tala nú ekki um vinninginn að hafa þetta á ferilskránni.“

indiana@frettabladid.is

GÓÐ SAMAN Hjónin Ásgeir Hjartarson og Bergbóra Þórsdóttir standa saman að Hamskiptum. MYND/ANTON

helgin

Uppáhalds skyndibitinn?



„Þegar ég er svangur borða ég næstum því hvaða skyndibita sem er og frekar hratt. Annars er Reykjavík Special hjá Reykjavík Pizza Company í upphaldi, svo lengi sem ananas er tekinn af henni. KFC kjúklingaborgari með mikilli hot sauce í öðru sæti.“

Ingólfur Bjarni Sigfússon fréttamaður



„Uppáhalds skyndibitinn minn er kjúklingaborgari á KFC. Klikkar aldrei.“

Kristin Ruth Jónsdóttir útvarpskona

„Sælgæti er alltaf freistandi. Annars eru gráfiður og skyr alveg frábær skyndibiti.“

Þegar miðið er að gera og maður gleymir að borða bjarga fikjur eða skyr manni alveg þangað til tími gefst að snæða.“

Þórdís Arnljótsdóttir fréttamaður



„Nonnabiti er í upphaldi en á Akureyri er Bautaborgarinn á Bantanum rosalegur! Þegar ég bjó í Milano smakkaði ég heitt bakað brauð með mozzarella og tómatsfyllingu. Æðislega gott og einn ískaldur með. Gerist ekki betra.“

Andrés Þór Björnsson innanhússarkitekt



sirkus

Útgáfufélag 365 prentmiðlar
Útgefandi Helgi Hermannsson, ábm.
Ritstjórn Óskar Hrafn Þorvaldsson
 oskar@frettabladid.is,
 Indiana Ása Hreinsdóttir, indiana@frettabladid.is **Útlitshönnun** Kristín Agnarsdóttir kristina@frettabladid.is,
Sirkusblaðið Skafahlíð 24
 105 Rvk, sími 550 5000
Sölustjóri Gréta Karen Grétarsdóttir
 550 5864 gretakaren@frett.is

SPURNINGAKEPPNI sirkuss

SPURNINGAKEPPNI SIRKUSS HELDUR ÁFRAM. SIGURÐUR KÁRI KRISTJÁNSSON STÖÐVAÐI SIGURGÖNGU MÖRTU MARÍU JÓNASDÓTTUR Í SÍÐUSTU VIKU. HÉR MÆTIR SIGURÐUR KÁRI GERÐI KRISTNÝJU.

1. Hver talar fyrir Önnu í teiknimyndinni Anna and the Moods?

2. Hver er fyrirliði Arsenal?

3. Hvert er mest notaða leyniorðið í netheiminum?



4. Hvaða ár fæddist Halldór Laxness?

5. Hvaða spjallþáttadrottning birtist á skjánum alla virka daga klukkan korter yfir sex á Skjá einum?

6. Hvar var nýafstaðið prestabing haldið?

7. Hver leikur Spiderman?

8. Hvaða kaupstaður er á Höfðaströnd við Skagafjörð? *

9. Hver var þriðji forseti Íslands?

10. Hvaða ár var húsdýragarðurinn opnaður?

* Spurningin reyndist gölluð, því á Höfðaströnd er kaupúnið Hofsós en enginn kaupstaður. Sirkus biðst velvirðingar á mistökunum.



■ Gerður Kristný

1. Björk.
2. Hvað er Arsenal?
3. Superman.
4. 1902.
5. Rachael Ray.
6. Í gufubaðinu í Vesturbæjarlauginni.
7. Tobey Maguire.
8. Hofsós.
9. Kristján Eldjárn.
10. 1994.

Sigurður Kári sigrar með sjö stigum gegn sex. Gerður Kristný skorar á fjölmiðlakonuna Sólveigu Bergmann. Fylgist með í næstu viku.



■ Sigurður Kári

1. Drew Barrymore.
2. Thierry Henry.
3. Password.
4. 1902.
5. Rachael Ray.
6. Húsavík.
7. Tobey Maguire.
8. Sauðárkrókur.
9. Kristján Eldjárn.
10. 1994.

Rétt svör: 1. Björk. 2. Thierry Henry. 3. Password. 4. 1902. 5. Rachael Ray. 6. Á Húsavík. 7. Tobey Maguire. 8. Hofsós. 9. Kristján Eldjárn. 10. 1994.

Uppáhaldssundlaugin mín

„Ég á mér í raun enga upphalds sundlaug. Sund er ein fárra tegunda líkamsræktar sem hafa aldrei heillað mig og ég fer afar sjaldan í sund. Helst fer ég í sundlaug til að kæla mig í sumarhita í útlöndum. En Grafarvogslaugin er þó talsvert notuð af öðrum heimilismeðlimum.“



Ágústa Johnson líkamsræktardrottning



læt oftast þeim sem þola hitann betur pottana tvo eftir.“

Björn Friðrik Brynjólfsson, aðstoðarmaður sjávarútvegsráðherra

„Uppáhaldssundlaugin mín er sundlaugin á Hólmavík. Þar er ný og flott laug.“

Aðalheiður Ólafsdóttir söngkona

„Ég á mér eiginlega enga upphaldssundlaug en finnst nýja sundlaugin í Verslolum í Kópavogi mjög fin.“



Sundlaugarnar eru eitt af því sem ég sakna þegar ég er hér í Svíþjóð.“

Ásthildur Helgadóttir knattspyrnakona



Frambjóðendur!

Er jafnrétti fyrir alla — konur, menn og börn?

Vissuð þið að skilnaðarbörn á Íslandi eru nærri 20 þúsund?

Rannsóknir á skilnaðarbörnum sýna að:

- Þau eru 20 sinnum líklegri til að eiga við hegðunarvandamál að stríða.
- Þau eru 20 sinnum líklegri til að lenda í fangelsi.
- Þau eru 9 sinnum líklegri til að hætta í skóla.
- Þau skilnaðarbörn sem halda góðu sambandi við báða foreldra vegnar betur.

Hlúa þarf að sambandi barna við feður sína eftir skilnað og tryggja börnunum þennan sjálfsgæða rétt með breytingum á núverandi lögum.

Vilt þú, frambjóðandi góður, beita þér í eftirfarandi málum ?

1. Að dómarrar fái heimild til að dæma foreldrum sameiginlega forsjá, enda stríði það ekki gegn hagsmunum barnsins. Þá fer enginn sigurviss í dómssal og vilji til samvinnu og samábyrgðar eykst. Slík dómaraheimild var lögfest í Frakklandi fyrir 13 árum.
2. Að ástæðulausar tálmanir á umgengni við barnið verði gerð refsiverðar sem um ofbeldi væri að ræða. Lög landsins kveða á um rétt barnsins til umgengni við báða foreldra en yfirvöld eru úrræðalaus þegar kemur að tálmunum í þeim efnum. Í Frakklandi er refsiramminn allt að 12 mánaða fangelsi.
3. Að breyta m.a. 30 gr. barnalaganna sem segir á mannamáli að ef forsjárforeldri fellur frá eftir eitt ár í sambúð með nýjum maka – þá fer nýi makinn sjálfkrafa með forsjá barnsins – en ekki blóðforeldri þess.

**Fréttamenn: 12 þúsund feður
bíða svara - Spyrjið!**

Feður, mæður, afar og ömmur. Gerist meðlimir í Félagi ábyrgra fedra og hjálpið okkur að stuðla að foreldrajafnrétti og réttindum barna okkar

Skráning á www.abyrgirfedur.is

